

genvang. Leitunga ahitheitan a aguuh a gam khat leh gamkhat kisuh mangthai theinading a sil um ahi chikhu thei masavai. Tulaia computer internet ihichi thangsah veng vung ukhu 1950 kum vela USA ten sepai lam kithujahtua nading a anajah uh ahi tahdan Korea, ka Bible jilsungin kava theikhia hi(CIA te vanzah). Tuachi mabangin Japan gaal laia 1945 kuma America ten atom bomb aboldoh laiun leh Japan Khopi Hiroshima leh Nagasaki a khiat dinga abolthei laiun leitung pumpi bomb thuahtu dingte Japante nasanin leitung ah atom bomb abolthei umta chi athei naidan sih uhi.

Tu khanga No. 666 khu ilah leh bang chiding atadie?

Bible a kigen No. 666 khu ahun ching nailou ahina toh kijawh in asua doh naivawtsih hi chikhu akichien hi. Ahiin ahemhem umte jiehin jauhuai nading bangma aumsih a ajieh khu atahtah lou khu atahtah lou ahimai hi. Tulaia No. 666 kithang tekhu ilah chiet dinguh ahi china vang ahituamsih hi. Ahinlah tamteho zousia khu adih lou leh ahun hinailou ahijiehin eima hagau hinkhua adingin bangma buoinading zong aumsih hi. Bible a kigenpen khu ahing hi tahtah chiangin vang lim kilajousia khu ganhing lim bie china hitavan, tahsa avang kihing khoiding hagau avang


sina tangding ahi uhi.

Kihylna a No. 666

Sil zousien hun anei chiat uhi. Tuajiehin Hattuum Hun - Rapture - Gim Thuahna Hun - Second Coming - Kum Saang Vaihawm - Mang Touphe Kaang tunga Thu tanna um leh kumtawn hinnna hun aum hi. Kum sang lenggam a sil hing tungding khat khu hattuum hunah aki mehbeth theisih a, hattuum hun a sil pieng khu gim thuohna hunin aki mehbeth thei sih hi. Ginthuona hun a ding khat zong khu hattuum hun a akimehmat theisih hi. Ahun peidan leh Bible tuhil dungzui in Revelation 13 a No.666 kigen pen khu Rapture zou a gimthuohna hundingahia, ahing tung nai sih hi. Azieh khu gimthuohna hun chitah lou in Rapture zong ahing tung naisih hi. No. 666 zieh a lung himaw a um sangin Jesu Khrist a hinna nei dingin lunggel kinei chiet lei mi nuomsa pen ihi ding hi.

Bible a 666 leh tulaitah a 666 kigente aki khietna:

Bible a No.666	Tulai a 666
Alalou um theilou ding	A utten alah ding
Aman umlou ding	Aman um ding bio-chip man
Alalou shina tan gawtna kipe ding.	Gawtna kipe lou ding.



Simtu tengteng i Mangpa Jesu Khrist min in chibai ka hing buh hi.

Kumte hing kihei in September ha tan ah i tungtou kiata ua, Pasion lungsietna loupitah mai itante i ngaituo chiengun Pasion kung ah lungdam thu i tut ua, itut zing mai ding ah khu i bawl thei um sun leh ibawl lawm mawng uh ahi.

Kum dang a ibawl bang un tu kum in zong Sepguol ha ah i ding ua tu in nasatah in Sepguol Vaiguon zang in ei mai hilou in Singtang mi zousie in tawndan khat a nei in i zang uhi. Nidanglai in Sepguol kibawl chiengin Pasion nasem ding a theitawp suo in Social Work (Sepguol nasep) sem in sum imute uh Missionary nasepna dingin bulpilam ah kisung zel hi.

Tulai in ahileh khovel Khantou toh kituoh in Sepguol nasep chite umthei talou hinanleh innsuon totna ah zong tuohkhawm idonte uh hawmthaw huoi seng nawn sam lou hi. Synod a semkhawm (Centralised) ihizieh un suongpi suongta in ateh ichi bang un khopi leh khota ah semkhawm a kitheh tuo ihi ua, sepkhawm dan isiem uh poimaw mama hi. Kithuzah tuonate bang zong khangtou in “Tuni inntotna ding mun khumtah hi e” chia toumun a kigen thei hita hi.

Igam khantou toh kituoh in India kisimpina zong a changkangta mama a, Identity Card a ding a Biometric limlahna bang zong athupi mama a, setan nambat 666 hita chi a kila ngam lou bang a tam hi. A thupidan toh ngaituo in ei mimawlte a dingin gintat umtah ahi hi. Saptan sil khat poupou a tuoh chiengun gingta pailou in theichien sawm in a suizui teitei ua, a chetna hoitah amit ngei ua amu chieng

un a gingat pan uhi. Hinanleh eite pen ibil a izah taphot kanchien lou a ginta paipai te ihi uhi. Sapte pen in agintat ha bang un a gingat vanglah uleh bangteng in kigen nanleh shipi ngam in a ginta ua, eiten khat in a genleh dihsa khat in a gen kialeh dih sa zel Laisiengthou in pilvang ding a ahing deidan neukhat en va ui. (Mathiu 7:15. Jawlnei hieute lah ah kiveng un. A pulam uah belam vun silin na kung hing pei phuot va un, asunglam uh ahileh ngie gongsan hon ahibou uhi. Mt. 24:11. Jawlnei hieu tampi hing um va un mite sol va uh. Mt. 24:24. Ajiehpen Messia hieu leh jawlnei hieute ang kilang ding uhi. A maun sil thupi leh lamdang hing bawl va uh. Pasian mitelte nasan a sol zouna dingun a bawl thei tan uh hing bawl va uh. Mak 13:22. Ajiehpen Messia hieu ahi hi. Ahithe khah leh Pasian mi telte solna ding chiin sillamding sil thupi nasan hing bawl thei ve un.

Tamteng banah Missionary nasepna lam bang ah zong eima thangkai gam ahiei mai a vakuon sese te hinawnlou in sum-le-pai toh IEM leh FMPB te tungtawn in kismekhawm theita a, zangkhaizaw leh thupizaw in kism theita hi. I theilou kaal un Missionary nasem lou mawngmawng bang a i kikoi lai in seplou malah ah IEM leh FMPB toh kismekhawm in tualeh PCI toh Mangjing ah kismekhawm in nasatah in Missionary na kism ana hi ahi. Tam mai hilou in tu in zong Myanmar a um i unau Zo Synod te toh zong kismekhawm ahilam manghil lou in ithate uh san in thumna ah theizing va ui.

I Sepguol ua thupi ding a Missionary nasepna zong thupi a zang ihi bang un Sum-le-pai, tha-le-zung leh thumna toh Sepguol hasung in adiehin Missionary field inei uh tam atung a igente a ding in pan latha va ui.

Mangpan simtute zousie Agam kehlien dingin hing zang chiet taken.

Hujiah in Bible a No. 666 kigen pen in jong hun anei hi. Ahinlah tukhu ahun ahi naisih hi. Hattuumte lahtou joua sil tungding ahia, tunin Rapture lah hing tung nailoua ichithe mawngmawng nadi uoile?.

Tu huna No. 666 khu bang ahitadie le:

Tulaialeitunga No. 666 kijangpen ahilouleh kijang vengvung pen khu Gim Thuohna Hun a umding pen kisah kholna azong lah theithou ahi. Ajieh ahileh nausuah ding chiangleh ha 8/9 anu sunga akihil banga No. 666 jawng khu atahtah pen ahing tung masanga alim leh aguang hing umdoh ahi maithei hi. Leitung pilna leh siemna asang jiehin sil ineisa jong No. 666 adim den sieng ahita a, ATM hihenla, smart card hileh asunga khu eima umna leh min bangma jousia kimtah a um ahita hi. Tuapen computer nasepna ahi. Atekhinnan Korea ka Bible jillaiin bazaar lian pipi Lamka lentual chiachia aum a tuapen angahtu um khollou alutna leh apawtna ah computer kithua in van ilei chiangin ivan leikhu computer in ang chiemte a, seal tobang in ang ki nam a, tuapen gate a i pawt chiengin Computer a kichiemte khu in gate a Computer kikoipen khu agingsah nawn sih hi. Atekhinnan, aman pelou in cheptena umtasi henlen gate ah pawt talei a Computer khu hing

ging dingin Security ten hing man pai thei ding ana hi dan hi. Tualeh mihing tahsa, chi khu khutphang leh talpang a zong damdawi loutang neukhat koi lut a tam khu i umna, i min, i sum neizat, igihdan, isangdan tualeh eima tungtang a theidia kilawm jousia umsiang thei ahita hi. Ahinla alim leh kuang ichipen khu atah tah pen khu ahilou jiehin Bible a atahtah pen kigen pen khu ahidieh sih hi. Eiten khua ithei masang apat tam No. 666 khu ana kigen jing ahia, mi tampi in ana hilchien jing ua ahinlah adihpen aumthei tahtahsih hi. Khenkhatin ahileh computer khu No. 666 danin anagen ua, khenkhat inlah TV hing suahdoh khu No. 666 danin anangaitua ua, khenkhat inlah AMWAY khu No. 666 danin anangel kia ua, khenkhatte inlah Pope jong khu No. 666 danin ana hisapdoh kia ua ahivangin tuni tanin tua igen tengteng khu ahi mawngchi kichetna aum naisih hi.

Tulai taha census lim kilah nate leh gari number te lam tuamtuan a No. 666 dan a kingaitua leh kigente hi hun hingpeitou jel ding huna sil tamtah No. 666 toh kimehbet khawm atam thei banga hing um nalai ding ahi. Hun tomkhat ana enkhia in.

Tulaia Leitung siltung itheijoulou dan uh thukhat hing

Tualeh tu in atunga igente atam louin entahenlen hilei: Hattuum Hun - Rapture - Gim Thuahna hun - Second Coming - Vaihawmna Mang Toupfa - Kumtawn (Van Jerusalem leh Meidiil). Tam hunbiih te laha No. 666 Gim Thuahna Hun sunga umding ahia, tam khu 666 akijah hunding ahi. Theibe ding khat ahileh, No. 666 um chiangleh leitung pumpi khu kivaipuahna khata kivaipoding, sakhua khata umding tualeh sum (currency) khat mai mai kijang khom chiet ding ahi hi. Tam khu tuhuna um nailou ahi.

Bible a No. 666 kigenpen tukhanga aum loudan:

Tu in hattuumte huna um ihi uhi chi ithei chianta uhi. Gim Thuahna hun jong atung naisih chijong itheita uhi. Tua ahileh Thuah Hasa Hun/Gim Thuahna Hun a sil hing tung ding Bible in agen bang khu hattuum huna bang hing chi tung theiding ahiai? No. 666 tahtah asuadoh nadingdan Bible in agen khu Rapture umding tuajouleh anti-christ in vai ahawm ding, khovel apat a hing potdoh ganhing hon mihingte khu tui apat a hing potdoh ganhing lim siemthu khu ahing bieh sah ding, biehna jousie khu akhutphang uleh atal ua 666 chiemtena kinam ding ahia, abenuam loute khu martyr tang ding ahi ua tuajiehin tam No. 666 khu ahing

jah ding ahi. Ahileh nalung simin, “bangchidan a gam tampi in ajahpat atai, ahilouleh igam sunga jong hing tung atai?” nachithei maithei hi.

Ahivang ahinahi, gam khat le ni ajong No. 666 akimang maithei hi. I gamsung sil um toh jong akibang sim abang hi, hinanleh, tam No. 666 khu Bible Kihylna 13 a kigenpen khu ahi mawngchi china jong aum sih a, hijong ahisih hi. Leitunga silpieng jousia khu Bible chang khattoh moh mehbethi ahituam sih hi. Tekhinna Mathai 24-25 sunga hun Thuah Gimna Khang chiangin ziil kiliing ding, khat le khat kigaal tuading, kilang tua ding chiteho jong agen hi.

Tam banga akigen jieha tulai a ziilling nasatah tah kihotte, sa leh gaal umte leh kilang tuana umte khu Gim Thuahna Hun a um ihita uhi chitheiding ama? ahisih hi! Aban genbe kia talei, Bible Kihylna akhun gimthuahna hun chiangleh “kamite tuivot nou khat hijongleh anadon sahte khu siamtang ding ahi uhi,” chi ahi. Ahileh, tulaia Pasian nasemte khochin a atotna ua mikhat leh ni in lungsiatna etsahna a tui adonsah ukhu Thuah Gimna Hun sil tunding toh mehbethi ahidiei ma? Ahi naisai sih hi! Thuhilpan agen bangin, bagma jousian hun anei suah hi.

THU TUOMTUOM LEH THUMNA A THEIDING TE

Synod Lamkaite training kuon

I Synod lamkaite Workshop on the Importance of Media Ministry (Seminar) mang dingin kuon uhi.

Amun: Aizawl (Mission Veng Presbyterian Church)

Ahun: September 15-16, 2011

Thupi:

1. Meaning & Scope of Media Ministry
 - Resource Person: Mr. Kenwin Pierce, CWM
2. Types of Media Ministry: Print, Radio, Audio Visual and Electronics
 - Resource person: Mr. Kenwin Pierce, CWM
3. Requirement of the Media Ministry
 - Resource person: Mr. C. Lalrosanga, Mizoram Synod
4. The Significance of the Media Ministry with Special reference to the work of the Church

Ei Synod apat Executive Committee member teng tel uhi.

Lawhchingtah a ahing tun theina ding un thumpi chiet va ui.

* October sung a khawmpi tuomtuom umte tam aney a bang ahi.

- Lamka District PWF kumtawp khawmpi Hiangdung Presbyterian Church ah date 14-16 October 2011 in um ding hi.

- Central District PWF Khawmpi zong date 14-16 October, 2011 in Aina ah um ding ahi.

- Tuivai District PWF Khawmpi date 28-30 October 2011 in Behiangjang Presbyterian Church ah a um ding hi. Tam i genteng ban ah District dang PWF leh PYF Khawmpite ahun ding kithei phalou teng zong alawchin chiet na ding un i thumna uah thei chiet vai.

-The 20th Suolam District Session- Cum -PWF, PYF Silver Jubilee (1987-2011) (MEP-ZPCS) ahing tung ding October 13-17, 2011 chieng in Sugnu Presbyterian Church ah um diing hi. A thupi uh “Guolzawna aw toh kikou un” (Lapite 47:1). I thumna uah theichiet vai.

Environment

- *Thongkhup Dounzel*
Development comtt. member

Mihing ding a, ihi na utoh kimat a, ikimvel ua um Pasian silsiem zousie hi Environment chin a kithei hi. Tami hi atangpi in chini in akihom khen hi.

a) Biotic (Living) Environment- sil ahing zousie et sah nan mihing, ganhing, zu leh va, sing leh guo etc.

b) Abiotic (non living) Enviro-ment- sil ahiing lou et sah nan tui, hui, Vot leh sat, vah, leitung etc.

Environment jousie khat leh khat akiguizop a tualeh, khat bei a khat um theilou dan:

1. Mipil-misiem te gen dungzui in, 'Nisa in singna (Leaves) ahinkhuo teng singzung (root) ten leithao atop a tualeh tami apat a tua sing thazung (cell) te a apiehsawn kia a

singphung ten hinna anei hi. Tami singna (leaves) te a pat oxygen (huisieng) sun chia hing potkia a, tami mihing leh ganhing te ding a hinna a pang kia ahikia hi. Adamlou Oxygen poimaw khat, Private Hospital a Oxygen kipe taleh dangka/sumbangza akisengta diei? Ahiin, Pasian in singphung (Plants) te zang a amanbei a Oxygen (free of cost) a ang pieh ahi. Giltah a ngaituo te dingin singphung khat zong phukhiet ngam ahisih hi. Alangkhat a mihing leh ganhing te a pat hing potdoh Carbon dioxide (huisienglou) hi singphung (Plants) ten zan chieng atop/aneh kit ua, amau te ding a ann hoitah a pang ahi uhi.

2. Sing (Plants) te apat oxygen (huisieng) chauh hilou in, mihing a ding a oxygen ban tah a poimaw tui (water) asuoh kia hi. Mihing ding a tui poimaw dan pen, tahsa a hawmza 1000 lah a 72% vel khu tui ahi kia hi. Ann nelou in

hing tung ahita hi chiin lung gimna leh chijaatna in hinkhua amang siangta uhi; kibang jong kibang sim petma ahi.

Tualeh Pasian thu gente, adiahin pastorte thugen jong ginglel ding khop hialin alung thomhau suahta uhi. Ahileh tamna kigen khu bible a thu kigen tangtunna hitalou ding ama? tualeh bang tobang a kimaituapi ding atai? chite khu thei chian poimawtah ahita hi. No. 666 kichi thuthang hing vaitung khu chijat nading leh lungkham nading bangma aum tuansih hi. Pasian thu enlei kichian pai ding ahi.

Bible a No. 666 kigelna:

Bible a No. 666 kigelna khu Kihylna bung 13:11-18 na ahi. Kihylna laibu a kigiel ahijehin alaibu umdan khu theimasat angai hi. Kihylna khu Jesu nuajui Johan in kum 85/95 A.D. vela Patmos tuikual khum gama aum laitaha agel ahi. Tamna agelkhu atamjaw vision amua agel ahi. bung khat sunga khu johan in "sil ana tungsa" (what you have seen) a agel ahi. Bung 2-3 sung khu hattuum sagite, chikhu "hattuum khang umdan" (what is now) thu agel ahia, tualeh Bung 4 apat bung 12 teng khu Rapture joua siltung dingte, tuakhu, "sil ahing tung dingte" (what takes place later) chi agel hi. Tualeh

tua igen uh No.666 kigelna (Kihylna 13) na khu "sil hing tung ding" thu kigelna sunga sil hing tung ding ahidan theithe in aum tahi.

BIBLE A NO. 666 UMNA DING HUN:

Tu in No.666 akijah nading hun enlei akigelna (Kihylna 13) "sil hing tungding" thu kigelna sunga um ahi. Tam ahing tung ding kichi khu bung 2/3 a kigel hattuum khang kichai jou a sil hing tungding kigena ahi. Tualeh tam hattuum khang khu rapture a kichai giep ding ahi kia hi (1Thessalonians 4:16-17; 1 Corinthians 15:50-57). Tam rapture (misanthou lahna) akijojo chiengin Thuah Gimna khang kum 7 um paiding anti-christ in vai ahawm ding ahi (Mathai 24-25; II Thessalonians 2:3-4; Daniel 9:24-27). Tamna Thuah Gimna hun khu joujou chiengin Christ aniveina ahing peikiana leia hing kumsuh a leitunga kum sang lenggam umding ahi (Kihylna 19:11-20:1-4). Tam khu kumsang lenggam ajojo chiengin mangtouna kaanga thutanna umvanin tuajou chiengin van tha leh leitha hing umvan hundam tate Jesu ang sunga kumtawna umding, humdam tangloute vang kumtawn meidil a Setan leh anuazui teho jousia thuah genthei ding ahita uhi (Kihylna 20:5:22:1-9).

athei a zop zuite pen kumtawn a
guolzawl na apieh ding chi a chiem
thu khu Pasian thu ahi a, tua leh
amanglou ding, abeitheilou ding
mihing hinna zong bei theilou
ding ahina ah igen nuom pen ahi
leh tua abeitheilou a um ding
Pasian thu khu mihing hinna lei
a lemtuoh ding a um ahi a tua
chia leptuoh lou khu kumtawn
a gawtna kiehna ahi. Pasian in
guolzawl taken, Amen.

Bibleakigen No.666 ahingtung ata diei ma?

- Rev. Kamkhosoi, Business Manager

No.666 igamsungah hing vaitung atai?

Hun masa laiapat mobile news leh
thusua hunchikhat tualeh internet laha
kimujing leh igam sunga kijajing khat khu
No. 666 thu ahi. Tam No. 666 khu bible
a kigiel ahia tuin gam tampiah aumta a,
aneiloute siljuatheileh leitheilou injong
aumta uhi chiin miin agenhi. I gam sungah
jong ahing vaitung ta akichia. mi khenkhatin
census (mising simna) jiangjong abolnuam
sihua, ajiah ahileh tulai census abolua
apangsah/atelsah ukhju No. 666 bible a
kigen tobang chetin akilangdoh tahi.

1. 999 NPR (National Population
Register). 999 khu matrix No. ahia, ajiehkhu

khat jahna ding muna khat
kijang thei ahia, athu umdan
khu 999 ilebula ahileh 666
china ahi.

2. International trademark
in 666 ahatdoh ahi akichi hi.

Asiamdohpa minkhu
George Joseph Laurel,
athuteng jousia khu 6 hisuah
kei ahia ama ngel injong 666
kasiamdoh ahi akichi hi.

3. UID (Unique
Identification) Tam thuteng
pangloua silphot phot
leitheilou, juahtheilou
chiding ahi.

4. Tam abawl nading
ua abawl ding uh ahileh
(a) Khutjung sawm lam
computer a alah dinguh (b)
Khutpi tegel lam computer a
alah dinguh (c) Mittang tegel
scan computer a alah ding
uh. bio-chip hing kihenglut
va chijong gintat huaitah ahi.
Tuateho jahin setan lenggam

hun sawttah mi ahing thei a, tui
bei in vang koima ahingsot zou
sih hi. Akhuchi leh, tami apat
in zong singphung (plants) leh
mihiem kiguizopna man tam
dan muchiet in a um thei ahi.

3. Ahingthei kichi zousie a muot
ahilouleh amuot khia, tamte
khu leithau in ahing pang kia
a, mihing te din haichi-chivaw
lam a kihinsuona ahing hikia hi.
Amuot/amuotkhia kichi te khu
umlou hileh, khovel hi bang
dan in ahasa ta diei? Hichia sil
te amuot theina khu, mitmu
khamlou ganhing (micro
organisms) nasep na apat ahi.
Micro organism nasep silbawl
ziehin khovel in leithau asuo in
mihing te hindohna ahung hikia
ahi. Tambang in environment
te zousie khat leh khat akithuo
khawm a, khat tung a khat
akingah a, abawn un mihing
ding te a ding in silhoi abawl
uhi.

Environment kisuhsiet
tualeh a sil suodoh(result) te:

Tulai in mi tamtah in,
“Damlou hivei atam deudeu a,
guozuh daikai, ahi maw deudeu
a, gam asa deudeu a, leitung

in gamga (yield) a sem tasih a,
guo themkhat azuh leh zong
tui amawh letlet zing a, etc. ichi
ua, tamte zousie khu bangzieh
adie? environment ahiding
bang ahi nawn lou zieh ahi kichi
leh genkhiel hisih va azieh pen:

a) Kumchinagam lahakivatsieng
zieh in, nisa hu (heat) leh
huisienglou (carbon dioxide)
tawp (absorb) ding atasam
a, hui sieng thei nawnlou; tui
tasam ta, gammang hoina
(Dense forest) ahilouleh singna-
louna amuotkhia/agopkhia
bangma a um thei nawnlou zieh
a guo(rain) azuh chieng tuitawp
ding um nawnlou; khumbang
a guo(rain) neukhat azuh
chieng leh, Tanghoh tui aluong
a, munchin-gamchin asusie/
asuchim a, leithau kitawl mang,
menchim/minkai asuoh tam
deudeu a, kiging manlou a tuilet
suohmun zing ahi hi.

b) Tulai khovel pilna leh
khantouna zieh in, Motor
vehicles(gari), silgun bawl na
(factory/industry), green house
gases, etc ten Hui (air) asubuoh
a, nisa hu daltan a pang ozone
layer zong nasatah in a suhkha
a, kum phabep zou chieng tam

khovel (planet) khu mihing tenna theilou mun suohdoh kha ding adiai chi, mipilte chizatna lienpen khat ahi tahi.

c) Abailam ahilou leh loukhutsuo punsah ding deina ziehin, houhou ten ahunlou tah a theina sasa in lou-le-ai Har(chemical fertilizer), hampa lou (herbicide), ganhing thana lou (pesticide), leh adang environment suhkha theilou sil te i zang ua; nichin a ineh idawn uh ann leh tui te asieng nawn sih hi (unhygienic), i theilou kal un, dammaw hivei zat tuomtuom in ang tut gam sieng tahi, adieh in nauvop numei te leh nausen ten athuoh la dieh uhi aki chi hi. Harleh lou-le-ai dang kizahna annte louhing te hoitah a velchet masat hoi ma nanleh, atuina avat maimai hilou in damtheina zong asukha hi chi ithei chiet uhi. Khen khat ten, ganhing/meshite venna din haichi atuchieng unleh thoukang lou (DDT) pou halkhawm zong a um uhi. A theisiemte gendan in, tam DDT agu (reaction) ahatdan, aga a zong a um hi, chi ahi.

Tamte a pat in, environment leh mihing hinkhuo bangtan a kiguizawp a, environment suhsiet mihing hinkhuo susie, tualeh mihing hinkhuo susie khu Pasian deilam toh akikal a hinkhuo mang aki hi hi chi chientah in akimu thei hi.

Deisah Action Step te:

* Gammang vatsienglou ding, lounun theilou gam (non-arableland) singkung tudim ding, Singphung khat akiphuo chieng a leh aluong a ding tukia teitei ding ahi.

* Har(chemical fertilizer) taang a organic fertilizer or compostpate zah ding.

* Pan gam (dry grass land) mawh halkhiet lou ding, mawh hal sang a gammang suohsah ding.

* Tahsa sukhathai lou-le-ai poison te zah a nga(fish) beng/matbawl a, bangma susie lou tui susieng a pang ganhing dang zousie suhgamlou ding ahi.

* Tam atung a kigen te sang a hoizawigeldoh zousie zui a sepdoh ding ahi.

ding ahia, abeitheilou ding ahi chi theizing akul hi chi itahlang nuom hi.

Tualeh mihing hinna zong asiemtu Pasian in amihing siemte ana pieh ahinna hu ana ha zong a shithei lou ding ahi a, eite ngaidan a shi shi ichi le a bei kelkol ding isa kha a, shipi mangbei ding dan in ingaituo a, tua khu shi ichi leh kikhen china ahia, tua khu i lei tahsa lei a kisiempen toh i tahsa kikhen china ahia, aleitang pen a umna a ki up ahia, hinanleh hinna pen khu ahing zoppa, ahinna hu hing moppa kungah kipai ahita hi. Tua ziehin tahsa pen amuot ding a lei asuoh ding a hinanleh hinna pen beitheilou Khantawn a hing dinga asiempa zuon ahizaw hi chi igen utzaw hi.

Tua chi ahi zieh in Pasian thute zieh in leitung a ilut uh a, Pasian thu zal in sil zousie ana kisiem a, tua khu Pasian tapa ah a um siengta hi. Pasian in lei a sil zousie akam a thupawt in asiem a aum mai hi. Tuatpen a umden ding, umden lou ding chi pen akitheisih a sie ding apha ding pen asiempa thuthu a aguh a thu um ahi lel hi. Hinanleh Pasian hing itna zal a ahing mawp hinna pen Jesu mama in ana gen a, athu sutvom khat zong manglou ding

hi. Tualeh Pasian thute thu ana bawl a ana piehte amangthai sih a, Adam thu ana pie a, Evi athute ana pie a ana zop lou zieh un sietna huoisie, shina, dana, kana kidouna, kithangsietna, kilangbawlina, kitha, kimat, nehgu chite khu Pasian thumanlouna apat ahing pou a aga achi suongte tuni dongin azam a ithuolel mama uhi. Tu in zong Pasian thute ilah uah a um a azuiloute action, azuite action a um toulai lai beitheilou in a um toupeh lai thamtham a, Pasian siem mi masate kung a thute khu beilou a khovel zou a ihinna uh toh Pasian thu a kituohlou leh tua Pasian thute zop lou a i um uleh Pasian thutoh van ah ette ahi dinga tua chidan bangtah a Pasian thupieh, Pasian thuchiemte, Pasian thugente zop zuilou a, top theilou a i um leh tua Pasian thute khu abeilou ding, mihingte eimama umdan leh Pasian thu khu akituoh lou leh Pasian in ang thuchiem thumanglou athu thudon loute a ding a ana guotsa meilipi itan thouthou ding uh ahi chi thei va ui.

Tunin igen nuom pen ahileh Pasian in athu hing piehte, athukham, athupieh, athuchiem zousie, ama chibang a umloute gawt dinga athuchiem leh athu

Amangtheilou Pasion thu leh mihing hinna

- Kamsuankhai
Awnchinkhapkhua

Luk 2:33 “Lei leh Van Mang van in ka thu pen ahileh mang vawt sih va” Pasion in athu a hagau siengthou thop dingin hing guolzawlsah taken.

Amasa in simtute zousie athunei pan asimsuoh a, athei chien ding in, Hagau a mit pilna leh hagau siengthou panpina a bil a za a, lungsim kul a theichien theina toh hing simsah in hing theisah taken Amen.

Tualeh tua i laisengthou talatna in apoimaw pen leh athupipen ahi hi. Amasa in Pasion thu chi khu i gelmasa ding uhi. Tua leh khatna ah Pasion thu khu theichien lou in, muchien lou a i um kha ding a zauhuoi hi. Eite’n Pasion thu i chi leh hunsah lel ihi ua, hinanleh Pasion thu pen aki dang mama khat ahi. Pasion thu khu chi 4(li) a um a tuate khu; (i) Pasion thu

pieh (ii) Pasion thukham (iii) Pasion thuchiem (iv) Pasion thuhil chite ana um hi. Tamte theilou a Pasion thu awi ihi kha ding a zauhuoi hi. Khatna ah-I Pasion thupieh khu amasa in Adam Eve kungah ah thu ana pie a, tua khu singga neh lou ding ahi a, singga nehluo ding ahi achia tua khu Pasion in khovel a siemzou mihing asiem zou a mihingte ding a thupiehmasapenahi. Anina-II Pasion in Adam, Evi kung ah Eden a singkung khat sie leh pha theina singga neh ding nasatah in ana kham hi chi i thei uhi. Tua khu Pasion in ami siem te a dinga ana thukham masa pen ahi. Tualeh Athumna-III Pasion thuchiem ahia, tua thu ma zong Pasion Adam leh Evi kunga ana pieh thuchiem ahia, “Na neh ngeingei leh shi ding na hi uhi chi ahia, tualeh Alina ah-IV Pasion in ami Israel te thu ahil zel a, azuitapou guolzawl in a um zel uhi. Tualeh tam atung a igente khu akhaikhawm in Pasion thu ahia i Bible tang telna ah kumtawn a um

Ephesa Suggestion

Bung thum na sung
Bung 3:1-21

1. Paul in Khrist thuguh a theichien pentah khu bang e?

= Jesu shina zieh a leitung a hattuumte hing kiphudoh ding dan, Pasion leh mihing kilemna thute, leichin teng in Pasion a pahtawi ding dante khu Khrist thuguh Paul in a theichien pen ahi.

2. Paul in Zentelte kunga Khrist hausatna a chi khu bang lam a hausahna e?

= Zentelte a ding a Khrist tahsa a ahing piennate, ashinate, athawkianate, athupinate pen mihing theiphahlou khop a thupi, tualou zong a felnate, ahoinate, alungsietnate, leh asienthounate zousie khu Khrist hausatna ahi.

3. Pa, Lei leh Van a Innkuon chite lah a minphuoh khiehna Pa chi umzie khu gen in.

= Khrist gingta zousie khu Innkuon khat ahi ta ua, Pa, Pasion khu a Pa uh ahia, Innkuon zousie Pa ang hita hi.

4. Itna zungkai kichi khu koi itna zoh e,

Pasion itna ahisihleh mihing itna adiei?

= Pasion itna aphudet ding khu a deipen ahia, tuaziehin a zungkaina ding lam sil khu “Pasion itna” ahi.

5. Amen chi khu a umzie bang e?

= Midangtethugenleh ngetna namdetpina ahi ban ah eima thugen zong phattuum ngai leh chitah suona suhlatna ahi (II Kor. 1:20; Kih. 3:14).

6. Paul khu koite Sawltah e? Tualeh a suongkul taanlawnasan bang e?

= Zentelte Sawltah, Zentelte kunga Pasion thu a genzieh leh Teptanloute Biehin sunga apuilut zieh in.

7. Misiengthoute zousie lah a neupen a kingai koi e? Tualeh misiengthoute khu koite e?

= Paul ahia, Sawltahte china khel hilou in “Pasion mite” ahi.

8. Paul in Pasion gou iluopite achi khu koite e? Tualeh Khrist thuguh koi in, koite kung ah a phuong ei?

= Zentelte, Khrist thuguh khu Pasion hagau in sawltahte

leh guolneite kungah, apuong hi.

9. Pasion bukimna toh kibang in mihing a um ding amah, chin kidongtalei, ibang chi dawn diei?

= Hithei sihva ichi chiet ding uai tua ahitah leh Pasion bukimna chinteng in mihingte suhhathei bang a ahatna dingin chia dawn ding ahi.

10. Misiengthou zousie achite khu koite hi a, misiengthou chia hatte khu koite e? tualeh a thumnate uh bang a ngai hi, achi e?

= Mangpa Jesu gingta zousie chi ahia, Misiengthou chia hatte khu Jesu gingta mite, tualeh a thumna

uh “gimnamtui” a ngai ahi, achi hi.

11. Paul in koi suongkul a taang ka hi, a kichi e? Tualeh koi suongkul a taang hising a chi e?

= Jesu Suongkull a taang kahia, kumpi Nero Suongkull a taang hi koi sing achi hi.

12. Khrist thuguh hagau in koite kunga a gen e?

= Sawлтаhte leh guolneite kungah.

13. Paul in Khrist hatsatna suiseng guollou achite bang e?

= A shinate leh athawkianate, athupinate, afelnate leh asienthounate ahi.

SYNOD OFFICE KAI HUN SUNG

Working Days	Timing
Monday - Friday	10:00am - 03:00pm
Koipou Office toh kisai a sep ut, bawl ut neiten tam ni leh hun kipia te ah bangchik lai pouh in haw thei zing ahi.	

amaute lou in na a sem theisih uhi. School hileh sil tuomtuom ah ahing khang dingte kineppi na in sum-le-pai tamtah seng in solkal in kizilsahna tuomtuom ana bawl hi. Gam-le-nam vaihawmte hing hiding ahizieh un Government in zong nasatah in a buoipi hi. Khosung tuisung ah nopni-dani in zong zahpen ahi ua, Philantropic Organisation hitahleh Khanglaite tha tellou in sep thei hilou chi thei phiel hi.

iv) Khanglaite khu tam khovel ah mihing mai hilou in Setan in zong akineppi mama a, tuabang ma in Pasion in zong ahing kineppi mama hi. Setan in zong sietnate khu Khanglaite tungtawn ma in ahing semkhe zel hi. Khamtheisal ahte khum in, Nu-le-pa ki etlana ah, tualtha utna ah sil hoilou ching teng ah thaang kam in khanglaite mat

sawm tinten in pan nasatah in ala zing hi.

Khanglaite khu Pasion in zong zang ut in hing han zing hi. Sil hoi nempite Khanglaite tungtawn a sep ut a nei hi. Tanglai in zong David, Joseph, Solmon leh a dangdangte zong Mangpan a Khanglai hinkhuo uh ana zang hi.

Lapite 1:3 a agen bang in tu in Khanglaite khovel kinepna ihi ua, Setan kinepna bang zui ding maw Pasion kinepna bang zui ding ihi uoi? A huntah a ga thei dingin Mangpan zong hing dei in setan in zong hing dei hi. Ahuntah a ga dingin khovel in ahing kineppi mama hi. Khanglai ahuntah a ga ding in khovel in ahing kineppi a, Setan lampi na zuipi diei? Pasion lampi na zuipi diei? Nangma thu ahi Khanglai-khovel kinepna.

SYNOD SUNGA KHAWMPI HUN GUOT DAN
(Vide 7th Synod Session)

District PYF Khawmpi : October 7 - 9, 2011
District PWF Khawmpi : October 14 - 16, 2011
District Khawmpi : October 28 - 30, 2011
Presbytery Khawmpi : December 2 - 4, 2011

ZPYF Column

Khanglai Khovel Kinepna (Ps.1:3)

“Ahuntah a hing ga let, ana zong vul ngailou bang ahi”

Thumapui: Tukum i Khanglai pawl (ZPYF) Kumpuon “Khanglai - Khovel kinepna” chi thu genkhawm thei ding a i um zieh un kipah huoi ka sa a, tam bang hun hoi hing pie ibieh Pasian min phat in kipah thu i tut uhi. Khanglai hun khu hatlai, hoilai hun ahia, mi zousie in a ut leh adei uh ahi. Naupangte kung ah “Tangval chie/ Nungah chie” ichileh a thanuom un akipah ua, tuabang ma in a teh lam ten zong tam bang pahtatna kamteng khu akipahpi mama uhi. Hinanleh tambang hun khu a sawtsih uh a, akhiehl a huoi mama hi.

Tambang ahizieh in khovel in kineppi mama in nasatah in a buoipi zing hi.

i) Nute gilsung apat hing pawtkhie in Nu-le-paten ahing buoipi ngal

ua, neh ding tah ding, silding ten ding hing pie in a zawng in zong ahau in zong tate ki-it chiet in theitawpsuo in kichawm chiet hi. Innsung siem hoi ding in nu-le-paten ahing kineppi mama ua,, neh-le-tah, sil-le-ten, thu-le-laa toh hing patta in hing na enkol uhi. Nu-le-paten kinemtah leh theitawp a ahing etkol zieh un a itna uh lien sem in amau kinep bang lou tah a hinkhuo izah khah chiengun alungsim uh sut bang in na hi.

ii) Hattuum ten zong Khanglaitetungahkinepna teng na nga uhi. Hattuum sung ah vaiguon khat a um chiengin khanglaite tellou in lawching thei tahtah lou hi. Lamkaiten bangteng guong nanlei zong a poimaw pen leh gim huoi pen “Physical Arrangement” khu Khanglaite khut a um ahi.

iii) G a m - l e - n a m lamkaiten zong khanglaite apoimaw mama ua

Mishite vangam tungpai di uh i !!

-Upa Khupsuankham

S hivuina leh Genuap lenkhawmna munte ah, hamuonna thu siemtah a gen in, mishi pen Vangam ah Jesu kungah lungmuongtah a Vansawlsientge toh Pasian phat in a um ta uh chia gen pawl bang i umta uhi. Tam toh kisai in i laisiengthou uh enpha thei ulei uthuoi kasa hi. Azieh ahileh, shi chieng a Vangam a lut ngal ding ihi uleh Jesu thawkiana khu umzie bei ahi ding hi.

John 14:1-3 Jesu’n “nou a ding a mun bawl a vakuon sawm ka hia, ka bawl zou chiengin hing peikia pai vingin ka kungah noute kangla ding; ka umna a noute zong na um thei tei na ding un; achi hi. Mou pen vapui angai a, pui loupin mou in a pasal ding a pawng zot thei sih hi. Moupuu ten avapui khieh uh kisas hi. Alim a i sinsin pen uh atah a Jesu Khrist mou ding pui ding in a kuon ngei ding uhi. Misiengthou a shisate a shi hunhun ua Vangam a Jesu kung a vatung ngal ahi uleh pen Jesu hing peikia chieng a thoukia ding khu koite a diei?

Mishite leh dam a um nalaite ikibatna uh pen, Jesu hing peikia ding hun ki lamet taha i ngahna uh ahi. Tualeh i kibatlouna uh pen, mishi te’n bangma bawlthei nawnlou, thu zong gen thei nawnlou, a imu ahisihleh a khawldam ahi uhi. Ei hing leh dam a um nalai te’n semthei lai, Pasian thugen thei nalai ihi uhi. Khrist a shisate thou masaphot va un, tua zou chiengin ei dam a um nalaite huikhuo ah Mangpa dawn ding in meilum lah ah lahtou in i um ding ua, tuachin taangtawn in Mangpa kungah i um tading uhi. (I Thess. 4:16-17).

Mi a shi chiengin atahsapien nuasie in a hagau Vangam a tungngal thei hitaleh tahsa a thawkiana khu poimaw lou ding hi. Jesu’n Kros a, a hagau ahakhieh a nithum

ni in atahsapumpi mama toh athoukia hi. Ale bang chi dan a apumpi toh thoukia chi nathei ei? Ahan sung ah koima umlou hiven. Tahsa pumpi vui in i um ua, hagaulam pumpi a kaithou in i um ding uhi (IKor.15:1-58). Lei a siem batna mel ipuoh mabang in, Van mi hina zong i pomsem ding uhi. Mihing masapen khu lei mihing ahia, a shi a vui in a um hi. Mi'n hinna anei nawnlou chiengun mihing kichi thei nawnlou hi. Tuamipen in hinna ang neikia chiengin mihing ahia, tam mihing nina pen Vanmi ahia, Vangam lam a zawt ngai ding hi.

Khenkhatten Vangam ah kai vahawa, hinanleh Jesu'n lei a um ding in ang nua sawl kia a chi zel uhi. Sawl in a um masih di uai, hagau mai in Vangam luu thei lou hiven. Tuazieh ma a, mishi pen pumpi toh thawkia angaina. A pumpi pen uh, i mitmu mama uah hankuong a siel a um a, Van pumpipieh a umloupi a hagau Vangam ah atungta ichi zel leng pen uh dihla deu hilou ih?

Mi ashi chieng ua Vangam kai paipai hita le uh Rapture chienga Jesu'n ang pui dingte,

dam a na um nalaite guoh china hitalou ding iyh? Tuachi hitaleh, "Khrist a shisate thoumasaphot va un" achi in bang agenna atadie? Hagaulam pumpi a kaithaw a um ding chi bang kigenna ata diei le? Hagaulam thawkiana lah tapidawte ashi chieng ua Vangam a tungngal ding a i gintat a ahileh Vangam itun chienga khat lai pen ni kiphathe di ih? I hagau leh i pumpi kizoplou a atuom a um ding china ata diei? Khuchi ding ahitah leh leitung a mikhat hinapi'n, Vangam a mi ni hingpha ding uh ahi chi hisap a, Jesu'n mun leh muol ana bawl ngailou ding ih?

Jesu'n ashi ding kuon in a kunga suamhat kilbeh a umpa kungah, "Tunin ka kungah Pradis ah na um ngal ding achi hi. Tam mi umdan pen, Jesu leh suomhatpa ashi tuoh ua, hinanleh a hagau uh Vangam a direct a peipai lou in, thawkiana ngah in a khawldam uhi. Jesu ang thawkia tah in a tahsapumpi mama toh ang thoukia hi. Lei a siem tahsapum pen suhlamdang a um in, Van pumpi toh thoukia ahizaw hi.

lou zieh in Chairperson Nu Dimkhochiin in ava uap hi.

Resource Persons:

1. Nu Dimkhochiin - Topic
 2. Nh. Deborah Zou
- Nu mawpuonah innsung leh khotang ah
 3. Rev. Awnkhankhup
- Khristian nu manpha
 4. Zingmawng Devotion
- Rev. Thangbawi
ZPWF Orphanage Home (Tuunnu liimbel) Zomi Colony Silpieh mudan August 2011 sung a tam anei a bang ahi.
1. Nh. Kimhoiching Zoveng
: Rs. 2000
 2. Nu Ngaikhanchiin
Lma Distl. H/q Church
: Rs. 100
 3. Pa Chinzakham Kaplane
: Rs. 1000

4. PWF Lamka District H/Q Church Anntang Kg. 110
 5. PWF Central Church Asum in Rs. 335 Anntang Kg. 114
 6. Moreh Ward No. II Rs. 400
 7. PWF Central Rs. 355
 8. PWF T. Munnuam Rs. 250
 9. PWF Tribal Colony Rs. 500
- Tami ZPWF Orphanage Home Tuunnu Liimbel tungtawn a nau tagate chawm lunglutna nei a umleh chawm thei zing ahi. Naupang khat chawmna ding in Hakhat ah Rs. 1500 apantheizingahi. Tuabang nautaga chawm utna nei aumleh kansuitheina Deborah Zou Warden No. 9612486060 Rev. Stephen Chinzathang Executive Secretary, ZPCS i/c ZPWF No. 9863042789 te kung ah ngaiven theizing ahi.

ZPWF Column

Pasian hoina leh mapuina zal in tukum 2011 aha kuo(9)na tan ah buoina tampite pal galkai a i tuntou thei ta zieh un ahing mapui pa Pasian min i patawi masa uhi. Tua leh tukum ZPWF in Pasian zal a i masawn nate uh tam lou Pasian min loupina dingin tami i Khristian tangkou tungtawn in ka hing talang hi. ZPWF 4th Benniel Session thu lel district chin Seminar nei ding guonggal dungzui in District thumte a tam anei a bang a lawchingtah a man zou ahi.

Lamka District PWF Seminar kiman dan tomkim 3-5 June, 2011 ZPWF apat Chairperson Nu Dimkhochin leh Vice Nu Dimkneiching Secretary Nu Veineilam ten ava uap uhi.

Resource Persons:

1. Nu Dimkhochiin
- Topic Guideline Report Form
2. Nu Veineilam
- Topic Numei leh Damtheina

3. Rev Awnkhankhup
- Nu Manpha
4. Evan. Tinlamkim(IEM)
- Numei leh Missionary
5. Zingmawng Devotion-Nh. Debora Zou Topic Numei manpha

Lentang District PWF Seminar kimandan tomkim 9-10 July, 2011 ZPWF apat in Chairperson Nu Dimkhochiin leh Vice Nu Dimneiching Secretary Nu Veineilam ten ava uap uhi.

Resource Persons: 1. Nu Dimkhochiin - Topic Guideline Report Form

2. Nu Veineilam
- Numei leh damtheina
3. Rev Awnkhankhup
- Khristian numanpha
4. Nh. Debora Zou
- Numei leh Puitu
5. Mr. Kamgenpau
- Account Management

Singngat District PWF Seminar kimandan tomkim 20-22 August, 2011 ZPWF apat in Secretary Nu Veineilam akiman thei

A shi laitah hilou in, a thawkia nua in Van ah apei a, tuami mun ah eite din mun abawl hi.

Eite Vangam kai dingutselou idiei, ahisih leh kailou khah ding zauhuoi saseng a Jesu hingpui sese ngailou a eima vapei mai sawm hou ihikha di uai, Vangam

lampi zui kisahlai itunlou ding a zauhuoi hi. Jesu ngel khu eite pui ding a hing pei ding ahi. Ama nana ngah khinkhian ulei, amun bawl ah ahing puina ding hi. Ama khu amuonhuoi in a dihtat ngal a.

Dohnaleh Dawmna

*Dohnate dawngtu: Upa Khupsuankham
Contributing Editor
Khristian Tangkou, ZPCS*

“thuohgimna athuoh ding leh Kros a ashi ding thu agenna ahibou hi”

Upa T. Hauzalam, Sugnu

2. Johan 1:51 Van kihong ah, Pasian Vansawлтаhte mihing Tapa tunga kaltou leh kumsuh namu ding hi, a chi khu a umzie bang e?

= Van kihong a, Pasian Vansawлтаhte mihing Tapa tunga, kaltou leh kumsuh na mu ding, chia Jesu’n agenlai in Jacob in mang anei a, leitunga kellei kidaw Van dong asu a, a tunga, Pasian Vansawлтаh kaltou leh kumsuh te khu alungsim ah atham den hi (Gen. 28). Tua kellei khu van toha kizop ziehin Pasian Vansawлтаhte khu

Pu. Chinminthang, Hiangzou

1. Luk 12:50 i etleh Jesu’n Baptisma tan ding ka nei, achi khu bang baptisma e? Johan in lah baptisma atangta ngal a.

= Jesu’n baptisma tan ding ka nei, achi khu Johan baptisma akoh sih a, Baptisma tan ding ka nei, achi khu

lei apat in Van ah noptah in akaltou thei zungzung ua, Jesu Khrist khu kellei sangin Pasian kung (Van) tunna baisam zaw leh loupizaw lei leh van kalna kellei ahithu Bible thu in ang hilchien utpen ahi. Jesu Khrist gingta pouma Vangam a kaizel a, tua khu gingtute umna pou ah muthei in a um hi.

Upa Haukhanpau, T. Munnuam

3. Luk 9:27 Jesu thugen, “chitah zet in kang hil ahi, tamna ding a khente khu Pasian g am amu masangteng ua shi a chiem vawtlou ding a um uhi,” achia, Pasian Gam achi khu bang adiei?

= Jesu’n “Pasian Gam” achia, agen khu hattuum dingtasa hi in alang hi. Pasian Gam silbawltheina toh hing tung amu masangsie ua shina chiem vawtlou ding achi khu (Mk. 9:1) Pentecost nia loupitah a Hagau Siengthou hing kumsuhna khu ahi. Mangpa Jesu’n agentup khu Pentecost nia Pasian Gam (hattuum) hing dingdoh amu masangsie khenkhatte khu ashi sih ding, achina in alang hi.

Upa Awnchinkham, Hiangmual

4. Presbytery kivaihawmna a, member lah dan ah a district chin a pat a guot ahia, Ex-Officio member guot thu ah koi teng bangchi huom e? Tua leh Synod Executive Secretary te khu Synod a ahia, Presbytery khat in, Ex-Officio member a aguot uh adih theina diei? khuleh Pension Pastorte a pang thei diei?

= Na dohna khu doh thei dingma ahia, amabou Presbytery khat in Synod Executive Secretaryte khu Synod a ahizieh in Presbytery khat in Ex-Officio member a aguot khu a dih diei chia na dohna pen Synod Pastor Executive Secretar ahi ua, a umna Presbytery huap sung a hattuum khat a akipiehlut uleh a umna Presbytery ah Ex-Officio member ahi thei uhi i danbu in Ex-Officio member khu Ministerte zong achi hi. Pension Pastorte pen a pan ngeingei ding chi thu a um sih a, Committee thu ahi.

Upa Goukhanthang Moreh Ward No.2

5. John 7:1-5 isim leh Jesu’n unau sanggam pienpi nei in a

gen a, a unau asanggamte khu koite adi uai?

= Jesu sanggam a pienpite khu Jacob, Joseph, simon leh Juda ahi uhi (Math.13:55; Mk. 6:3).

A. Thongkhokai, Muallum

6. India kisimpina General Census toh kisai a Innkuon tamkhop in kisimpina tel utlou bangza ahei a um uhi. Khum te’n tam kisimpina pen tulai a kigen Setan nambat 666 kipatna ding ahi, chi ngaidan a nei ua, sil hithei ding ana diei?

= i) Sil hithei ding dan a angaisut zieh ua tel utlou ahi uhi.

ii) Tambang ngaidan Mizogam a hattuum peipi Presbyterian leh Baptist a ahia, a tel utloute i theisiem theina ding un alimsang deute ahi uhi.

iii) Tulai Computer age ahi toh kiton in UID abawl na ding ua muthei a Card/silkhat phot hi taleh tuasang a Computer a neu nounou khutchin vom kiguong, tuasanga mimal hina chiemtena bukim umthei ding dan hileh kilawm hi. Amaute gintat dan a maban a, tam Card khu sil

tampi a zah a hing um ding a, Van lei na Bank a sum koina leh alahkhetna leh sil tuomtuom a hing kizang thei ding china ah Bible a Khrist doudaalpa, Anti-Christ in azah ding hikhava chia zauthawng a tel utlou uhi.

iv) Tam pen Setan nambat ahi khol sih ding a, hinanhleh a utlehtamte zong a zang thei ding ua, tamte sang a lamdang zaw zong a zah thei ding zieh un, pilvan huoi ma e! Khoh khawl sih va!

Upa Enkthothang, N. Khaukual

7. Johan 9:4. Jesu’n sun hun khu abei khiel khiel ta a, zan hing tung ding ahita, chi thu agen a, Rom 13:12 ah Paul in zan hun bei dia kisa a, sun hun tung ding chi agen a, “Zan” hun bang hi a, “Sun” hun khu bang ata diei?

= Jesu’n Mangpa nasep hun khu sun hun ahia, Paul in Jesu hing pei kiana ding khu sun hun achia, tuhun pen zan hun achi hi. Jesu’n nasep thu agen a, Paul in Mangpa Jesu hingpeina ding toh kisai hun agen hi.

A Monthly Christian Magazine
An Organ of the Zou Presbyterian Church Synod



Khristian Tangkou

Vol. 37 || No. 09

Suopat kum: 1964

SEPTEMBER, 2011

SEPGUOL HA



Editor: REV. STEPHEN CHINZATHANG

Undelivered
Please return to:

The Editor
Khristian Tangkou
ZPCS Office, Zomi Colony
Churachandpur - 795 128
P.O. Box - 48, Manipur, India
e-mail: zpcs@rediffmail.com

To

Edited and Published by the Editor on behalf of the Zou Presbyterian Church Synod

Khristian Tangkou

Vol. No. 37 || Issue No. 09 || September, 2011

Editorial Board

Editor : Rev. Stephen Chinzathang
- 9863042789
ct_stephen@yahoo.com

Joint Editor : Rev. P.C.Manga - 9856130542

Cir. Manager : Mr. Jamsianmung - 9862086615
sianmung@rediffmail.com

Bus. Manager : Rev. Kamkhosoi - 9436665591
pastorkamsoi@gmail.com

Cont. Editors : Upa S.K. Khama - 9856406454
Rev. Awnkhankhup - 9862828921
Rev. Lamsuanthang - 9862072683
elasty@rediffmail.com
Rev. Thangboi Khuongsai
- 9402735675

ZOU SYNOD ULIENTE

- Moderator:
Rev. Lamsuanthang
- Moderator Elect:
Rev. Tualzachin
- Secretary Sr.:
Upa Tualkhanpau
- Secretary Jr.:
Upa Nengchinkap
- Treasurer:
Upa M. Kamzadou
- Statistician:
Upa T. Lamkothawng
- Exe. Secretaries:
Rev. Stephen Chinzathang
Rev. P.C. Manga

Copies - 1000

AMAN

Kumkhat ah	- ₣	40/-
Post ah	- ₣	50/-
Copy khat ah	- ₣	3/-
Life Member Fee	- ₣	600/-
Patron Member Fee	- ₣	1000/-
Memorial gift	- ₣	1500/-

A sung thu

• Editorial01

• Thu Tuomtuom.....03

• Environment.....04

• Ephesa Suggestion.....07

• Mishite Vangam tungpai
ding uh i!!09

• Dohna leh Dawnna 11

• ZPWF Column 14

• Amang theilou
Pasian thu 18

• Bible akigen No.666.....21

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. (L) Pu Chinzasuan
5. Upa Liansuanpau	6. Pu Khamchinthang	7. Pu S.Dalthang	8. Upa Kapkhanthang
9. Upa Langginmang	10. Pu S. Nangkhanlal	11. Pu S. Lamkhotang	12. Upa Dr. M. Lachinkhai
13. Upa Khamchinjam	14. Upa (L) D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. Rev. V.Vungzalian	20. Rev. Kamkhosoi
21. Rev. Tualzachin	22. Rev.(Rtd.) H. Nengzatun	23. Rev. Awnkhankhup	24. Rev. Hangpi Manlun
25. Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkothawng
29. Pu Khaichinmang	30. Rev. Chinzathang	31. Pu Khupkhanmang	32. Pu Khaidohlian
33. Hav. Khamzahang	34. Pi Vungzanuam	35. Pu T. Gouzadou	36. Pu Liensuonkap
37. Pi Zelkhochiin	38. Pi Hatkhanvung	39. (L) Pi Ngaihoiching	40. Pi Mankhanniang
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakhup	51. (L) Pu Saichinpau	52. Pu Goumang
53. Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Pu Jamsianmung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Shie Khamzathang	63. Pi Donchin	64. Upa Liankhanmang
65. Pu Hauchinlun	66. Pu T.S. Lal	67. Pi Goichiin	68. Pu T. Khupchinthang
69. Pu T. Kaizalam	70. Pu Paul Henkholal	71. (L) Pu Soikham	72. Rev. P.C. Manga
73. Rev. T. Khamchinkhai	74. Rev. Jamlianpau	75. Rev. Chinzapau	76. Rev. Kamkhozam
77. (L) Upa Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P.K. Soia	82. Pu Goukhai	83. Pi Niangkhanmang	84. Evan. G.L. Joshya
85. Pi S. Chingkhanmang	86. Pu Vumchinkhup	87. Pu Lamchinhou	88. Rev. Mangsuanthang
89. Pu Kamgenpau	90. Nh. Deborah Zou	91. Mrs. Vahkhohling	92. Pu Hauliankap
93. Nu Chinnu	94. Pu T. Kuppa	95. Upa T. Gougin	96. Pu Ginsuanhou
97. Pu L. Langminthang	98. Rev. David K.Samte	99. Upa T.S.K. Samte	100. Upa S.K. Khama
101. Pu Jamkhopao	102. Pu Thathang Taithul	103. Pu Kamkhankap	104. Bhim Prasad
105. Rev. M.Kapsuanthang	106. Rev. Khupkhansuan	107. Nu Chingneikim	

LIFE MEMBER-TE

01. (L) Upa T. Khupkhenpau	02. (L) Pu M. Ginzahau	03. Pu Selzapau
04. Pu L.C. Pautungnung	05. (L) Pi Khamkhanniang	06. Pi Ngainuom
07. Pu Chinsuanthang	08. Pu Shanti Kumar	09. Pu Kamkhohau
10. (L) Pu Khamkhohau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Pu Kulthang